

Rencana di Asian Wall Street Journal bertujuan burukkan nama baik Malaysia-PM

UM 29 MAY 1986
KUALA LUMPUR 22 Mei — Datuk Sri Dr. Mahathir Mohamad hari ini berkata rencana yang disiarkan oleh akhbar *Asian Wall Street Journal* yang menggambarkan 'penglibatan' Menteri Kewangan Encik Daim Zainuddin dalam satu urusan 'meragukan' dalam pembelian saham *United Malayan Banking Corporation (UMBC)* adalah bertujuan burukkan nama baik negara ini.

Menurut Perdana Menteri, rencana tersebut adalah tidak benar serta tidak mengemukakan butir-butir yang tepat serta mengelirukan.

Rencana itu juga, katanya, diterbitkan serentak dengan berlangsungnya mesyuarat - mesyuarat Bank-Bank Dunia dan

ADB dengan tujuan untuk mencemarkan nama baik pemimpin negara ini serta tanggapan buruk terhadap Malaysia di kalangan para peserta mesyuarat.

Skandal

Bercakap kepada para pemberita selepas melawat sekitar astaka musabaqah membaca Al-Quran peringkat antarabangsa di Pusat Dagangan Dunia Putra di sini beliau menambah, ia (rencana tersebut) bukan sahaja ditujukan kepada Encik Daim malah beliau sendiri dan pemimpin yang lain juga.

"Saya telah membaca rencana itu dan ianya datang pada masa tertentu kerana memberikan gambaran buruk terhadap serta menjatuhkan maruah

negara ini," jelas beliau.

Datuk Sri Dr. Mahathir berkata bahawa beliau tidak boleh berbuat apa-apa ekoran daripada penyiaran rencana tersebut.

Katanya, mereka (*Asian Wall Street Journal*) mempunyai hak untuk menerbitkannya walaupun ianya tidak benar," tegas Perdana Menteri.

Ditanya siapakah yang sebenarnya meluluskan pembelian sebahagian besar saham UMBC oleh syarikat kepunyaan keluarga Menteri Kewangan itu, beliau berkata, kabinet telah meluluskannya.

Salinan fotocopy rencana kontroversi akhbar tersebut kini tersebar luas di Kuala Lumpur yang antara lain mendedahkan skandal pembelian saham UMBC oleh syarikat kepunyaan keluarga Encik Daim Zainuddin daripada Multi Purpose Holding (MPH).

Perdana Menteri menjelaskan, dalam rencana tersebut tidak dinyatakan siapa sebenarnya yang meluluskan pembelian saham-saham itu sedangkan penulisnya tentu tahu (setelah menviasatnya).